

ARISE & CREATE A NEW WORLD



DISCOURS REPLIQUE CENTENAIRE AHMADIYYAT A MAURICE

HAZRAT MUHYI-UD-DIN AL-KHALIFATULLAH
Munir Ahmad Azim

05 Juillet 2015
(18 Ramadhan 1436 Hijri)

Après ki li fine salué tous so bane disciples (et tous bane musulmans – surtout bane Ahmadis de Maurice) entier le monde avec la salutation de paix dans l’Islam, Hadhrat Muhyi-ud-Din Al-Khalifatullah (atba) fine lire Tashahhud, Ta’uz, Surah Al Fatiha, versets Quran (2: 88, 106) et li fine ensuite dire :

أَفَكُلَّمَا جَاءَكُمْ رَسُولٌ بِمَا لَا تَهْوَىٰ أَنفُسُكُمْ أَسْتَكْبَرْتُمْ فَفَرِيقًا كَذَّبْتُمْ وَفَرِيقًا تَقْتُلُونَ

Afa-kullamaa jaaa’akum Rasuulum-bimaa laa tahwaaa ‘anfusukumus-takbar-tum? Fa-fariiqaan-kazzabtum wa fariiqaan-taqtuluun.

Eski sak fois ki ene Messenger amène kitchose ki ou pas content, ou montrer ou fierté? Ou rejette ene partie, et ene partie ou essaye touyé. (Al-Baqara 2 : 88)

اللَّهُ ذُو الْفَضْلِ الْعَظِيمِ

Allahu yakh-tassu bi-rahmatihii mayy-yashaaa’ : Wallaahu Zul-Fazlil-Aziim.

Allah choisir ki Li oulé pou rentre dans So grâce et c’est Allah ki possède bane faveurs immenses. (Al-Baqara 2 : 106)

Dans siècle dernier, kan l’Islam ti assassiner dans la main de bane l’ennemi de l’Islam partout par bane non-musulmans, Allah (swt) fine fortifier Hazrat Mirza Ghulam Ahmad (as) de Qadian par bane révélations divines pou retire bane musulmans dans l’obscurité, et kot surtout ti ena boucou musulmans ti pé converti dans lé zot religion et alors le Messie du siècle dernier fine ré-amène la foi lors la terre et éclaire bane musulmans avec la lumière du ciel. En plisse de sa, sa qualité l’attaque ki ti pé faire lors l’Islam et lors so fondateur Hazrat Muhammad (saw), pas ti ena personne ki ti ena le courage pou réfute et défanne l’honneur

et dignité de nous bien-aimé prophète Hazrat Muhammad (saw) ki le chef de tous bane prophètes et de sa grand religion là, c'est-à-dire, l'Islam.

Mais par la grâce d'Allah Hazrat Mirza Ghulam Ahmad (as) pas fine hésiter pou ene seconde pou dibouté comme ene lion d'Allah pou défanne l'Islam, sa grand religion là ki ti sans protection, ki ti pé crazé par bane l'ennemi de l'Islam. Hazrat Mirza Ghulam Ahmad (as) fine dresse contre la marée de bane grand l'opposants de l'Islam et Hazrat Mirza Ghulam Ahmad (as) fine relève moral de bane musulmans et li ti bien reconnu partout comme ene *Champion de l'Islam*, ene Maître de la Plume (*Sultan-e-Qalam*).

Kan l'ordre d'Allah fine arriver ki li bizin proclame li Messenger d'Allah, alors li fine soumettre li à la volonté d'Allah et li fine proclame li le prophète/messie, et alors sa même bane musulmans ki ti pé apprécier so travail et ti déclare li Champion de l'Islam, Maître de la plume, etc., fine poussé par bane soi-disant Mullahs pou contrecarré Hazrat Mirza Ghulam Ahmad (as) et zot pas fine même réfléchi pou quelques minutes ; kot sa bane soi-disant Mullahs là ti été kan l'Islam ti crazé par bane l'ennemi de l'Islam ? Zot la bouche ti fermer, donc, sa l'époque là même ti fini prouver et confirme so l'apostola.

Toujours comme d'habitude kan ene prophète vini de la part de Dieu, ena ene vague opposants contre li et so mission ki li bizin faire. Donc, bane soi-disant savants et défenseurs de l'Islam, zot parcour le monde pou soulève bane la masses contre Hazrat Mirza Ghulam Ahmad (as).

Donc, dans sa siècle dernier là, malgré ki bane grand opposants de Hazrat Mirza Ghulam Ahmad (as) fine faire tous dans le monde entier pou pas croire dans le Messie du siècle dernier, mais Allah (swt) fine béni sa ti l'île ki appelle l'île Maurice là, ki si ou rode li lors Map du monde, bizin guette bien, li même pli tipti comparer à d'autre l'île et pays ; li ene ti point et Allah (swt) fine oulé ki dans sa ti l'île ki couma ene ti point là, gagne le message du Messie du siècle dernier Hazrat Mirza Ghulam Ahmad (as). Kan ou étudier l'histoire, couma le message de Hazrat Mirza Ghulam Ahmad (as) fine rentre à Maurice, kot Allah (swt) fine oulé ki sa ti point ki appelle l'île Maurice là gagne sa message de so Messie Hazrat Mirza Ghulam Ahmad (as), parski kan l'île Maurice pou rentre dans so 2^{ème} siècle, c'est dans sa ti l'île Maurice là même ki Allah (swt) pou élève so 2^{ème} Messie et Khalifatullah.

Heureux et félicitations à nous bane ainés ki à travers bane magazines fine gagne nouvel de la venue d'ene Messie ki ti apparaitre et né dans Qadian, en Inde ; et sans aucaine hésitation zot fine croire dans li, sans zot fine trouve li et même zot fine faire tous pou tous pou gagne ene premier missionnaire pou ki li vine à Maurice pou organize le Jamaat du Messie Hazrat Mirza Ghulam Ahmad (as). Par la grâce d'Allah mo fine raconte et explique sa plisse en détail dans mo livre ki pé sortie très bientôt en l'occasion du Centenaire dépi ki le

message du Messie Promis fine établie officiellement à Maurice. Malgré bane vague l'opposition, persécution et boycotte, pas ti manque bane soi-disant théologiens et défenseurs de l'Islam ki ti vine Maurice pou contrecarré le Jamaat de Hazrat Mirza Ghulam Ahmad (as). Zot faire tous pou tous pou teigne sa la lumière là, mais Allah (swt) fine continuer perfectionne So la lumière, parski Allah (swt) conne très bien ki dans sa Communauté (*Jamaat*) de Hazrat Mirza Ghulam Ahmad (as) là, li pou élève ene 2^{ème} Messie et Khalifatullah au début de sa nouveau siècle là.

Donc dans l'année 1915 bane chercheurs de vérité accepter le Messie Hazrat Mirza Ghulam Ahmad (as) et prend en groupe le *bai'at* (serment d'allégeance). Maintenant, comme tout dernièrement en Juin 2015 bane ki fine croire dans le Messie Promis du siècle passé fine célébrer centenaire (100 ans la Communauté du Messie). Samedi le 20 Juin 2015, 3^{ème} Ramzan en pleine Roza fine célébrer le centenaire de premier groupe de *Bai'at* à Maurice et c'est vrai ki nous bane ainé fine croire et passe par mille épreuves, mais le plus grand test pou zot azordi jours, kot dans sa nouveau siècle là, Allah (swt) élève So 2^{ème} Messie et Khalifatullah dans le Jamaat du premier Messie Hazrat Mirza Ghulam Ahmad (as), et malheureusement zot refuse croire et dire ki « *so révélation ki li recevoir de la part d'Allah ene 'so-called revelation'* » et bane ki l'homme fine mette zot lors chaise l'autorité, zot donne mot-d'ordre pou rejette sa humble serviteur ki Allah fine élevé là et faire mette moi dehors du *Nizam-e-Jamaat* et tous séki fine croire dans mo revendication zot fine alle en dehors du Jamaat de Hazrat Mirza Ghulam Ahmad (as) et applique le boycotte lors zot.

Donc kan ou analyse sa ki fine arriver dans Maurice concernant sa humble serviteur d'Allah là, péna aucaine différence céki fine passer avec Hazrat Mirza Ghulam Ahmad (as) avant so proclamation. Pareillement, au commencement bane musulmans ti pé honore li tel couma ene champion de l'Islam, ene Maitre de la plume etc., et après ki li commence recevoir révélations et kan li fine gagne l'instruction divine pou li proclamé ki li vine de côté d'Allah, et li proclame so mission, voilà bane soi-disant Mullahs, savants et défenseurs de l'Islam essaye contre-carré so mission et barre bane dimounes pou écoute li et lire so bane livres et ti applique boycotte et persécution atroces lors li et bane ki suive li.

Azordi dans sa ti l'île Maurice là ki pé célébré soi-disant centenaire, zot pé azir pareil couma bane l'ennemie de Hazrat Mirza Ghulam Ahmad (as). Péna aucaine différence, et soi-disant zot ena le plus meilleur l'enseignement ki bane lé zot musulmans kot zot dans ene *Jamaat* ki ena plusieurs commentaire du Quran Shareef couma *Tafsir-e-Kabir*, *Tafsir-e-Saghir* ki ti compilé par le Mousleh Maoud Hazrat Mirza Bashiruddin Mahmud Ahmad (ra), et aussi kot ena plusieurs livres du Messie Promis, livres de Mousleh Maoud (ra) et de les autres califes.

Allah (swt) fine faire ene grand teste avec zot et élève ene parmi zot même pour conne zot réaction, voilà ki zot fine *fail* complètement dans la cour d'Allah. Belle panneau fine metté

lors tous zot bane masjid, T-Shirt, Badge etc. « **Love for all, Hatred for None** » zis pou montré lizié dimounes et pou faire zoli. La honte sa ! Zot pas conné couma pou honore chaque mot de sa *motto* là. Motto bél, action la haine au fond lé cœur, kot pé mette boycotte et pé faire sak dimoune ki fine croire dans proclamation sa humble serviteur d'Allah là, faire zot bane proches mette boycotte lors zotte, à cause sa bane dimounes là fine croire dans la Manifestation Divine.

Laisse mo dire bane ki fine prend initiative pou persécute nous bane membres et faire mette boycotte lors nous, ki Allah (swt) fine accorde zot So faveur, ki parmi zot même fine élève ene So messenger, mais malheureusement pou zot, zot fine tourne zot le dos et glisser de zot l'engagement devant d'Allah (swt). En conséquence, l'hypocrisie fine entre dans zot le cœur jusqu'au jour kot zot pou joinde Allah parski zot fine alle contre promesse ki zot ti faire avec Allah, et sa bane soi-disant défenseurs *Khilafat* là pé continuer même sème la haine dans le cœur de bane lé zot membres. Eski zot pas conner ki Allah (swt) au courant de zot secrets et de zot conversations entre zot, et ki Allah (swt) conne tous zot bane plans ? Zot critique nous bane membres et moque de nous, mais l'heure là pé vini kot c'est Allah (swt) ki pou moque de zot et zot pou gagne ene grand punition douloureux. Faveur divine ki Allah (swt) fine donne zot, zot refuse accepter et certainement Allah pas guide dimounes ki prend chemin travers. Mo sûre ki parmi zot, ena ki kan zot pou tende mo message ki pé adresse zot, zot pou faire bouffon et riyé. Allah (swt) déssane sa verset là dans mo le cœur : **« Fal-yaz hakuu qaliilaww-wal yabkuu kasiiraa : jazaaa-am-bimaaa kaanuu yaksibuun »** (Laisse zot riyé un peu, zot va pleurer boucou, comme récompense pou séki zot mérité).

C'est ene prophétie ki mo pé faire, mette zot boycotte ki kantité zot oulé, persécute nous couma zot oulé, mais zot pas pou capave empêche Jamaat de sa Messie et Khalifatullah de sa siècle là – le Jamaat Ul Sahih Al Islam – propagé dans quatre coins du monde, *Insha Allah*. Boucou peuples à travers le monde pou vine joinde sa Jamaat là et c'est avec moi, dans le Jamaat d'Allah, ki soutenu par Allah ki zot pou jouir sa la lumière divine là, malgré ki pou ena boucou bane obstacles et épreuves. Allah (swt) même pou enlève tous sa et ou pou trouver, ou zenfant/s, ou zenfant so zenfants pou trouver couma sa Jamaat là pou propager à l'avenir. *Insha Allah*. Allah (swt) pou accompli sûrement So bane promesses.

O banes frères, sœurs et zenfants, vini, sorti de bane ténèbres. Le soleil fini levé mais zot encore pé dormi ! Vini, lève zot et guetté ki bane ki fine sincèrement croire et accepter et pé suivre le Khalifatullah de sa siècle là, pareil couma dans l'époque de tous bane prophètes d'Allah (as), zot vive bane bénédictions de *Laila-tul-Qadr* dans zot la vie de tous les jours, aussi longtemps ki sa Messenger là vive parmi zot, parski zot conné ki bane anges et l'Esprit (le *Ruh-il-Qouddous*) déssane pendant sa période béni là et zot gagne bane bénédictions et signes en abondance pou renforci zot la foi en Allah ki chemin ki zot fine prend, c'est bel et bien ene chemin **SAHIH**. Alors, fer couma bane ki kan zot fine entende de la venue d'ene

Messenger d'Allah zot empresse zot pou accepter et reste ferme et zot demande Allah pou illumine zot avec sa la lumière ki pé déssane lors So Messie là afin ki zot aussi zot senti zot exceptionnelle dans sa période kot zot accepter sacrifié tout pour Allah et So Messenger et kot alors Allah béni zot aussi et garde zot proche de So Khalifatullah et garde zot la foi ferme lors la Manifestation Divine.

Louanges à Allah, ki fine béni sa ti l'île Maurice là et accepter sacrifices de nous bane ainés et élève So Messie parmi zot. Vers la fin d'ene centenaire (1907-2007) kot ene dimoune bien humble et intelligent **Noor Muhammad Noor Aya** fine tende parler du message de l'Ahmadiyyat et li fine fer le tout pour le tout pou ki sa message là vine à Maurice et répandre partout dans sa ti l'île là. *Alhamdulillah*. So nom même porteur d'ene message : **La Lumière de Muhammad (saw) fine Vini, Lumière Lors Lumière. Allahu Akbar !**

Alors ki Allah gagne pitié de zot et accorde zot sa la foi là, sa même la foi ki fine rentre dans lé cœur de nous bane ancêtres ki fine fer sacrifices lors sacrifices pour ki la véracité du Messie briyé partout. *Insha Allah, Ameen !*

Merci pour zot l'attention.

Assalamoualaikum Warahmatullah Wabarakaatuhu.

